



Tusagassiorfinnut nalunaarut Pressemeddelelse

Kakiortinneq mianersuussiuk!

Piffissami kingullermi nunatsinni ilinniarsimangitsut kakiuinerisa kingunerluutitaannik takussutissinneqarpugut. Pilikki Kinameersoq internetsikkut niuerfik aqutigalugu pisiaq atorneqarsimavoq kakiuisorlu tamatumunnga piginnaasaliunani. Kingunera amiilaarnarpoq. Tamanna annertuumik aseruuttoormenik, sapigaqarnermut ersiuteqalermik amerluuteqalermillu kinguneqarpoq. Eqqugaasut napparsimasunngoriataarput ataasiakkaallu anigugassarinnngisaminnik ajoquteqalerlutik.

Kakiuisarneq qangarsuaaniillu ileqquuvoq nunarsuaq tamakkerlugu nunannarineqaleraluttuinnartoq – aammattaaq nunatsinni. Kakiortinnerit- pingaartumik pisariaqartitanik piginnaaneqanngitsumit navianaatilinnillu atortoqarluni suliarineqartut, annertuumik ajoqusiinnaapput.

Kakiortitsinnani pisussap isumaliutigeqqinnissaanut pissutissaqarluarpoq. Imminut Navianartorsiortissinnaaneq akilersinnaava? Angerneqarpat, annertuumik ajoqusemissamut kingunerluuteqarnissamullu navianaataat, siunnersuutit uku malinnerisigut annikillisinneqarsinnaavoq:

- Kakiuisussat peqqissaarlutit toqqaruk, aqqa ilisimajuk eqqiluisaarnikkullu pissutsit ajunnginnerat tamatigullu meqqummik ataatsiartakkamik nutaamik aqqatinillu atuisoqarnissaa qulakkeeruk. Kakiuisoq misilittagartuujussaaq ilinniarsimangitssuusananilu – kakiuineq assasornikkut suliaavoq ilinniagassaq.
- Sapinngisamik annertuallaanngitsumik kakiortigit (kakiugaq annertusiartortillugu navianaataa annertusiartussaaq)
- Pilikki akikitsoq "Kinablæk" imal. pilikkilut ilisimaneqartut assilillugit pilikkiliaq atorlugu kakiorteqinak.
- Qalipaait sakkortuut atorlugit kakiortinnerit ajornartorsiutitaqarnerusarput. Qalipaait aappalaartoq allanut naleqqiullugu sapigaqarnermut ersiuteqalersitsigajuppoq.
- Paffikkut singernikkullu, naggussat atonerisigut ammip tasitsaartarnera pissutigalugu ippiuteqarfiugajuttuni, kakiortinnaveersaarit.
- Kakiortinnissat isumaliutigeqqissaaruk. Kakiugaq imaaliillaanaq peerneqarsinnaanngilaq. Inuunerpit sinnera attattuussaasariaqassavat.

Ulloq/Brev dato: 11-01-2019
Suliap/Sags nr. 2018 - 1920
All./Dok. nr. 9776752

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl



Januaari qaammat 2019 nunatsinni ajoqusernernut paasineqartunut assersuutissat. Kakiuinnermut pilikki internetsikkut niuerfimmit pisiaq, suminggaanneersoq imarissaalu ilisimaneqanngitsut atorneqarsimavoq.

Paasissutissat sukumiinerusut uannga pissarsiassaapput:

Henrik L. Hansen, Nunatsinni Nakorsaaneq
Mailikkut: Henh@nanoq.gl Oqarasuaatikku: 345191